

Ka pūtake mai ngā akoranga i ngā wheako akoranga pono

<p>Raewyn Himona (Te Kura Kaupapa Māori o Te Whānau Tahī)</p>	<p>Toitū te mana, kāore e kore ka kite au i ngā hua mā ngā tamariki, tā rātou nei hiahia ki te tū hei pānui atu i ō rātou ake tuhinga kei runga i ō rātou ake whakaaro, ō rātou ake kaupapa. Rawe! Tau kē ki a rātou.</p> <p>He whakataetae ia rā mā rātou anō kia whiriwhiri mā wai e tū hei tohatoha, hei tuku atu, koinā te tino painga. Nā rātou anō te rākau, nā rātou anō te mana. Ehara i te mea mā te kaiako hei ārahi pai i a rātou, ko taku nei hiahia ki te āwhina, ki te tautoko.</p>
<p>Sharlene Teirney (Te Kura Kaupapa Māori o Te Whānau Tahī)</p>	<p>I roto i te wā tuhituhi ko te mea nui ki ahau ka tuhi rātou, he pai te tuhituhi ki a rātou. Ahakoa te kaupapa i tuhi rātou, ahakoa ētahi rātou he pikitia noa.</p> <p>Ko te mea nui ka āhei rātou te kōrero e pā ana ki te pikitia. Ka tuhi ā ratou kōrero ka tuhi rātou ētahi o ngā kupu kei waenga i tērā kōrero.</p> <p>Rerekē ia tamaiti ka mōhio au ētahi ka ako tonu ki te tuhi, ētahi ka mōhio ētahi kupu. Ki taku nei whakaaro ko tērā te mana tamariki ki ahau. He rerekē ia tamaiti, i te mutunga o te rā, he pai te pānui, he pai te tuhituhi ki a rātou.</p> <p>(Kei te kōrerorero te kaiako me ngā tamariki)</p> <p>Kei tēnei akomanga i tēnei wa he pai ake te tūru pānui ki a ratou. Kāore he kore ka pātai atu tētahi, 'Pai taku tuhinga i tēnei rā e Whaea? Ka noho au ki te tūru hei pānui ki ngā tamariki?' He pai tērā ki a rātou. Ka hiahia rātou ki te noho i tērā tūru hei pānui ki ētahi atu.</p> <p>(Kei te kōrerorero te kaiako me ngā tamariki)</p> <p>Ko tētahi mea pai, ka hiahia rātou ki te pānui ki ētahi kaiako, ki te tumuaki, ā, ka mōhio rātou ka whai i ngā tohu katoa i kōrero ai ki a rātou, pērā ki te whakawehe kupu, mahi tika ngā kūoro, te tuhi, ērā momo mea, ka hiahia rātou ki te whakaatu ki tētahi atu.</p>
<p>Leroy Morgan (Te Kura Kaupapa Māori o Bernard Fergusson)</p>	<p>Nō reira rā i runga i te whakaritenga o te hau kāinga rā, he ōrite mai ana ki a mātou nei ngā kaiako. Kia whakarite i te mahi motuhake kia whakapakari ake nei i te hinengaro me te tinana o te tamaiti. Heoi anō rā, ko tāku nei me hoki atu ngā kaiako ki te poipoi, ki te akiaki i te wairua, i te ngākau o te tamaiti, tuatahi mai rā. Ki te pērā, he māmā ake mō te tamaiti te toro atu, te ringa, te ringa raupā hei whāwhā nei i tēnei mea te mātauranga i tēnei mea ngaro e rapua nei e rātou i tēnei wā tonu, koinā.</p> <p>Nō reira, ko tupuna awa tērā, ko te marae tērā o Tūrangawaewae. I mea mai a Kīngi Tāwhiao, 'māku anō tōku whare e hanga', nō reira mō matou nei ngā kaiako, māku anō te akoranga me kī, te ara me kī, e hanga hei painga mō te tamaiti mō ngā rā ki tua.</p>